

AKHBAR	HARIAN METRO	MUKA SURAT	20
HARI & TARIKH	SELASA 19/1/2016	RUANGAN	SETEMPAT
DISEMAK OLEH			

Sokong usaha ^{Hm (Setempat) 20} tangkis keganasan

■ Rakyat Malaysia tanpa mengira ideologi politik perlu bersatu

Oleh Mohd Husni Mohd Noor
mhusni@hmetro.com.my
Putrajaya

Rakyat Malaysia tanpa mengira ideologi dan politik diminta bersatu dalam menyokong usaha kerajaan menangkis ancaman keganasan terhadap negara.

Timbalan Perdana Menteri Datuk Seri Dr Ahmad Zahid Hamidi berkata, rakyat Malaysia juga perlu bersatu tenaga bersama-sama menyokong kerajaan untuk membantaras sebarang unsur keganasan dan radikal yang boleh menghancurkan keharmonian dan keamanan negara.

"Ini adalah peperangan baru yang perlu kita hadapi. Perang terhadap keganasan ini menuntut rakyat bersatu, bukan untuk politik, tetapi untuk kepentingan dan kedaulatan negara.

"Pada masa sama, kita mesti yakin dengan keupayaan Polis Diraja Malaysia (PDRM), Angkatan Tentera Malaysia (ATM) dan pasukan keselamatan



“Perang terhadap keganasan ini menuntut rakyat bersatu, bukan untuk politik, tetapi untuk kepentingan dan kedaulatan negara”

Dr Ahmad Zahid Hamidi

kita dalam menjalankan tugas mereka," katanya dalam kenyataan, di sini, semalam.

Katanya, Perdana Men-

teri Datuk Seri Najib Razak sudah menyatakan pendirian tegas untuk memerangi ancaman keganasan, malah Menteri Pertahanan Datuk Seri Hishammuddin Hussein turut memberi jaminan sama dari segi ketenteraan.

Ahmad Zahid berkata, biarpun setiap rakyat Malaysia perlu berwaspada terhadap ancaman itu, namun mereka juga mesti membenarkan pasukan keselamatan untuk menjalankan tugas menjaga keamanan negara tanpa perasaan curiga dan prasangka.

Menurutnya, rakyat juga perlu mengelak daripada membuat sebarang spekulasi yang bukan sahaja boleh menyebabkan kekeliruan, malah salah faham mengenai hal ehwal dalaman negara kita.

"Kerajaan tidak akan berkompromi dengan keselamatan negara dan pada masa sama, yakinlah pasukan keselamatan sentiasa melindungi kita sepanjang masa, siang dan malam," katanya.